

明万历十七年，世袭翰林院五经博士承业公请祭田疏。

为恳乞天恩，察例补给祭田庙户，以全祀典事。

恭遇世宗肃皇帝追念前贤，俯询宗派，诏令查访曾氏嫡派子孙，应承袭者，仍世其官。

臣曾祖质粹，自江西抱谱应诏，接据山东、江西抚按等衙门覆勘相同於嘉靖十八年，仰荷特恩，准世袭翰林院五经博士，仍照颜、孟事例，拨给祭田、庙户等项，永供庙祀。

夫以先贤之裔，久栖迟于异土，草野之贱，骤得授职于清华，盖千一时矣。

经山东抚按转行该府州县，照例拨给。不意臣曾祖质粹即世，臣祖早亡，臣父继祖复尔丧明，中遭家难，田为奸民隐占，户役散应民差，及臣承袭，祭典缺如，庙庭洒扫无人。

窃念天朝之盛典，奚容一视，夫弁髦先人之冠裳，何至兴嗟于廛困。既与颜、孟同班，似与锡嘉不二。

陛下崇德报功之典，优异钦恤之恩，稠颁叠沛，原令均沾。今春秋二祀，殊乏笾豆簠簋之品，实鲜兼展荐岁之需。

是以自陈罔避，敢冒渎于君父之侧。伏望皇上悯念先贤，下该部查照颜、孟事例，一体拨给祭田、庙户等项，庶臣供祀，俯

仰有赖。而臣先祖亦沐恩宠于九原，为益深矣。

臣不胜惶恐，待命之至奉旨：

礼部知道。

谨案历朝褒崇，其间奏牒敷章，如替袭世官，重修林庙，悉属陈言故事，虽累牒连篇，亦难更仆数也。

而要典则前朝始建，林庙诸疏又以岁久湮没，旧志缺如，徒深文献无征之感。

於派系固已另详，而奏疏一编之叙，或因采访，或以建置，用彰前人锡予之仕，并垂奕世考证之具。

岂仅以雕龙缥帙，称家乘光已耶？

语云：

食德不忘，以永其誉，斯之谓夫。

时 乾隆四十六年岁次辛丑仲春上澣。

世袭翰林院五经博士毓导谨识。